

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO
T R A V N I K
Broj: T06 0 KT 0032317 23
Datum,15.02.2023. godine,

OPĆINSKI SUD TRAVNIK

Na temelju odredbe člana 45 stav 2 tačka h, člana 241 stav 1 Zakona o kaznenom postupku Federacije Bosne i Hercegovine, podižem

O P T U Ž N I C U

Protiv:

1. **GAZIĆ IBRO** rođen 1985. godine.
2. **ADILOVIĆ ADNAN** rođen 1967.godine.

Što su:

Ibro Gazić i Adnan Adilović

1. Dana 11.05.2019.godine oko 21,15 sati, u namjeri pribavljanja protupravne imovinske koristi, na regionalnoj cesti R 413-a u mjestu Ovčarevo, općina Travnik po prethodnom dogovoru i zajedno fingirali prometnu nezgodu tako što su prethodno ispred kuće S. G. u mjestu *** u Travniku dogovorili način fingiranja prometne nezgode i ulogu svakoga pojedinačno u tome, a koji plan i zadatke svakog je objasnio G. P., pa su se dovezli na dogovorenu lokaciju i to G. P. i A. A. vozilom Golf VII registarskih oznaka *** a S. G. i I. G. vozilom Škoda Felicia registarskih oznaka ***, nakon čega su G. P. i S. G. ostvarili kontakt vozilima i stvorili zamišljenu poziciju prometne nezgode, nakon čega su se G. P. i S. G. udaljili sa lica mjesta a Adnan Adilović i Ibro Gazić, po prethodnom dogovoru, policajcu Policijske stanice Travnik M. B., po uputama G. P. i S. G., dali lažne izjave da se dogodila stvarna prometna nezgoda tako što je Adilović Adnan lažno izjavio da je upravljao vozilom Škoda Felicia a Ibro Gazić vozilom Golf VII i naveli ga da sačini Izvještaj o izvršenom prekršaju o saobraćajnoj nezgodi broj: 02/7-3-1-04-6-276/19 od 11.05.2019.godine sa lažnim podacima o načinu nastanku prometne nezgode i učesnicima nezgode, iako su bili svjesni i znali da se nije dogodila stvarna prometna nezgoda i htjeli da navedu ovlaštene službene osobe da sačine zapisnik sa lažnim podacima, nakon čega je po dogovoru G. P. im predao dogovoreni novčani iznos od po 300,00 KM a koji zapisnik je poslije korišten u postupku naknade štete,

Adnan Adilović sam

2. Dana 23.09.2018.godine oko 20:15 sati, u namjeri pribavljanja protupravne imovinske koristi, na magistralnoj cesti M5 u mjestu Donje Putićevo, općina Travnik po prethodnom dogovoru i zajedno sa G. P. i S. G. i M. N. sudjelovao u fingiranju prometne nezgode uz novčanu nagradu od 300,00 KM, pa je po tom dogovoru prihvatio da upravlja vozilom VW Touran registarskih oznaka *** kroz mjesto Donje Putićevo u pravcu Travnika, a po dogovoru ispred njega se kretao M. N. upravljajući vozilom VW Passat registarskih oznaka ***, pa kada je po dogovoru Adnan Adilović upravljajući tim vozilom, za koje vrijeme je sa njim u vozilu bio S. G., sustigao

vozilo Passat a M. N., po dogoovru, smanjio brzinu, prednjim dijelom vozila VW Touran je ostvario namjerni kontakt sa zadnjim dijelom vozila Passat i tako ga odgurao u kanal sa desne strane puta, nakon čega je policajcima Policijske stanice Travnik A. G. i V. A., po uputama G. P. i S. G., dao lažnu izjavu o načinu nastanka nezgode i naveo ih da sačine Izvještaj o izvršenom prekršaju o saobraćajnoj nezgodi broj: 02/7-3-1-04-6-599/18 od 23.09.2018.godine sa lažnim podacima o načinu nastanku prometne nezgode, iako je bio svjestan i znao da se nije dogodila stvarna prometna nezgoda i htio da navede ovlaštene službene osobe da sačine zapisnik sa lažnim podacima, nakon čega su G. P. i S. G. njemu za sudjelovanje u opisanim radnjama predali dogovoreni iznos novca od 300,00 KM, a koji zapisnik je poslije korišten u postupku naknade štete,

3. Dana 08.10.2019.godine oko 21:00 sat, u namjeri pribavljanja protupravne imovinske koristi, na magistralnoj cesti M5 u mjestu Donja Trebeuša, općina Travnik po prethodnom dogovoru i zajedno sa G. P., S. G., S. R. i N. T. sudjelovao u fingiranju prometne nezgode uz naknadu od 300,00 KM, pa su G. P. i S. G. dali upute o načinu fingiranju nezgode i ulogom svakog pojedinačno, po kojem dogovoru su G. P. i S. G. od ranije oštećeno vozilo marke Golf VII registarskih oznaka ***, koje nije bilo u voznom stanju, angažirajući Vučnu službu poduzeća „Autoprevoz Gafić Adis“ dovezli i spustili niz obalu pored ceste stvarajući dojam da je vozilo tu završilo kao posljedica prometne nezgode, pa je on (Adnan Adilović) po dogovoru upravljajući vozilom Škoda Fabia registarskih oznaka *** stvorio zamišljenu situaciju preticanja vozila Porsche *** koje je od ranije bilo oštećeno i ostvario namjerni blagi kontakt s tim vozilom a potom zaustavio vozilo na sredini kolovoza i time, po dogovoru, stvorio zamišljenu situaciju da je vozilo Škoda u fazi preticanja ostvarilo kontakt sa vozilom Porsche a da je vozio Golf krećući se iz suprotnog pravca zbog nemogućnosti izbjegavanja kontakta sa vozilom Škoda sletilo niz padinu, pa je na taj način policajcima Policijske stanice Travnik B. L. i A. T. po uputama G. P. i S. G. dao lažni izjavi o načinu nastanka nezgode prikazujući da se dogodila stvarna nezgoda i naveo ih da sačine Izvještaj o izvršenom prekršaju o saobraćajnoj nezgodi broj: 02/7-3-1-04-6-642/19 od 08.10.2019.godine sa lažnim podacima o načinu nastanku prometne nezgode, iako je bio svjestan i znao da se nije dogodila stvarna prometna nezgoda i htio da navede ovlaštene službene osobe da sačine zapisnik sa lažnim podacima, nakon čega su G. P. i S. G. njemu za sudjelovanje u opisanim radnjama predali dogovoreni iznos novca od 300,00 KM, a koji zapisnik je poslije korišten u postupku naknade štete,

Čime su počinili:

- Ibro Gazić kazneno djelo Ovjeravanje neistinitog sadržaja iz člana 375 stav 1 u vezi sa članom 31 KZ F BiH.
- Adnan Ramić produženo kazneno djelo Ovjeravanje neistinitog sadržaja iz člana 375 stav 1 u vezi sa članom 31 KZ F BiH.

Od osumnjičenog Ibre Gazić oduzima imovinska korist pribavljena kaznenim djelom u iznosu od 300,00 KM.

Od osumnjičenog Adnana Adilović se oduzima imovinska korist pribavljena kaznenim djelom u iznosu od 900,00 KM.

KANTONALNI TUŽITELJ